


Komata Na Bomoi[®]

Ekomami na Elmer Murdoch



Nzambe azali Nzambe malamu oyo alingaka yo mpe azali kokebisa yo.

Tango
mosusu
makambo
oyo
ekoki
kopekisa
yo

Makaya makasi

Makambo

Masano

Libota



Baninga

Koluka

Bilili ya bosangisi nzoto

Bolekisi tango

Lolenge to mpe misala na yo ekoki kopekisa yo kokanisa na tina na Nzambe. Wana ozali kotanga mwa buku oyo, Nzambe akoki kolobela yo eloko moko.

Mbala mosusu oyebi mwa makambo natina na Nzambe, kasi tala bosolo misato ya tina oyo okoki kososola sik'oyo.

... Azali na bwanya nyonso mpe ayebi nini ezali malamumu mpo na bomoi na yo.

... Azali mosantu, asepelaka na masumu te mpe akosambisa yango.

... Atonda na mawa mpe akoki kozelisa esambiselo mpe kolimbisa yo mpo na liwa ya Yesu Klisto na ekulusu mpo na yo. “Nzambe nini azali lokola yo, oyo alimbisaka masumu...”
Mika 7 :18

Yesu Klisto azali nzela se moko mpo na kokoma epai na Nzambe, pamba te alobi : “... Nazali nzela, solo mpe bomoi. Moko te akoki koma epai na tata soki na ngai te” Yoane 14 : 6

“Nini nde tina eleki monene mpo na bomoi?”

Basusu balobi–kobika malamumu ya libota na ngai, kozala na esengo, kobikela bomoi malamumu, kotonda na bomengo. Nyonso oyo ezali malamumu kasi Biblia elobi na biso ete tina monene ezali koyeba Nzambe na nzela yakondima Yesu Klisto mpe kosepelisa ye. Okelamaki nde na tina na yango. Kanisa mpo na na yango! Okoki koyeba penza Nzambe na bosolo ndenge okoki kosala yango na moninga na yo.

“Nzoka nde bomoi ya seko ezali ete bayeba yo, Nzambe ya Solo se moko mpe Yesu Klisto oyo otindaki” Yoane 17:3

Nzambe oyo ya malamu alingi :

- Kolimbisa masumu na yo nyoso
 - Kopesa tina ya bomoi na yo sik'oyo
 - Komema yo na lola tango okokufa

Nyoso oyo ezali ya yo tango omitiki epai na Nkolo Yesu Klisto, Mwana se moko ya Nzambe.

Soki oboyi likabo oyo ya ngolu mpe ya bolingo, omitie yo moko libanda na Nzambe mpe na nse ya esambiselo. (Yoane 3 :36) Omikomisi yo moko mokonzi penza.


Na bongo, motuna monene osengeli komituna ezali ete –

NANI AZALI KOKAMBA BOMOI NA YO ?

Yo to Yesu ? Lokasa ya sima ekosunga yo mpo na kozwa eyano.

Moto nyoso azali likolo ya moko kati na ba etape oyo mitano

Ezaleli na yo ezali kolakisa bokabwani na yo na Nzambe. Etape moko ezali kolakisa lolenge ya motema liboso na Nzambe mpe ezali kolakisa ntaka - _mosika to pene_naye-. Mokolo moko wana Yesu azalaki koteya a lobaki na moto moko oyo azalaki koluka solo : Ozali mosika te na bokonzi na Nzambe. Malako 12:34



KOZANGA KOKANISA NA TINA NA NZAMBE

Mbala mosusu okoki koyeba makambo ebele na tina na Yesu mpe lobiko, to mpe okoki koyeba moke. Eloko ya motuya ezali ete osali penza keba te.

Lolenge na yo kozanga kokanisa na tina na Nzambe ekopekisa yo koyeba ye, kasi ekopekisa Nzambe te ete alinga yo. Pamba te "...Nzambe alakisi bolingo na ye epai na biso na motindo oyo: Tango tozalaki naino basumuki, Klisto akufaki mpo na biso"

Baloma 5:

Kozanga kokanisa na tina na Nzambe

Ozali na etape nini ?

KOZALA NA MPOSA

Oyebi penza ba mposa ya motema na yo mpe ya molimo mpe olingi kozwa biyano na tina na yango.

Tango mosusu kufa, bokabwani ya libala, kobungisa mosala, maladi, to kolanda baninga etindaki yo kososola bozangi to mposa ya molimo. Bozangi oyo emonani mpo na kozanga boyokani na Yesu Klisto. Nkolo alobi : “Bokoluka ngai mpe bokomona ngai soki boluki ngai na motema na bino mobimba..” Yelemia 29 :13



Kozala na mposa

**Ozali na etape oyo ?
Mposa malamumu ekoki komema yo na ...**

KONDIMISAMA

Ozali na mobulungano makasi mpe na kilo na motema mpo ete Molimo Mosantu asosolisi yo masumu na yo mpe kozanga.

Ozali na elikia ya kokota lola mpo na “kozala malamumu” to “kosala misala malamumu oyo okoki kosala?”


Osengeli komituna mituna oyo: “Nazali penza malamumu?” “Natosaka mibeko na Nzambe nyonso zomi na makanisi, na maloba mpe na misala ?” Soki osalaka yango, wana okoki kokota lola na nzela ya bomoi na yo malamumu. Matayi 19 :17-19. Nzoka nde, “... na nzela ya mibeko tososoli masumu.” Baloma 3 :20

Mpo na koyeba lolenge ozali malamumu, omimeka na bolamu na Nzambe – MIBEKO ZOMI.

Okozala na bazambe misusu te liboso na ngai.
Okomisalela nzambe ya ekeko te.
Okotanga nkombo na Nzambe na pamba te.
Kanisa na mokolo na Sabata, mpo na kobulisa yango.
Tosa tata mpe mama na yo.
Okoboma te.
Okosala ekobo te.
Okoyiba te.
Okokosela moto likambo te.
Okolula te.

Kobima 20 :3-17

Olongi na mibeko boni ? Olongi na nyonso ? Nzambe akolongisa yo te soki okweyi na mobeko moko kaka. Yakobo 2:10 elobi ete soki kaka obuiki ata mobeko moko, okweyisami na nyonso. Mibeko ezali lokola bale. Lidusu moko ebebisaka nyonso.



Sima yanola mituna oyo na tina penza:

- 1.Osala lisumu na kobuka mobeko moko na Nzambe? Iyo Te
- 2.Boni, masumu na yo ememisa yo ngambo? Iyo Te
- 3.Motango boni Moke Ebele Ekoki ete osala eloko moko na tina na yango?

KOYAMBOLA

Mbongwana monene ekoti na makanisi mpe na motema mpe sik'oyo oponi koboya masumu oyo oyebi mpe kokamba bomoi na yo yo moko zanga na Nzambe.

KOYAMBOLA : ezali kotika kiti ya bokonzi ya bomoi na yo mpo ete Yesu Klisto afanda wana.

KOYAMBOLA : ezali mbongwana na molimo liboso ete ondimela.


KOYAMBOLA : ezali kaka te koyoka mawa mpona masumu na yo. Na koyambola mawa ezalaka, okoki koyoka mawa kasi oyamboli te. Bato mingi bayokaka mawa pona etumbu ya masumu na bango, kasi mpo na masumu te. “Mpona Nzambe mawa ebotaka koyambola oyo ememaka na lobiko mpe etikaka makanisi na motema te, kasi mawa ya mokoli ebotaka liwa” 2 Bakoliti 7 :10

KOYAMBOLA : ezali kaka te kotika misala ya masumu. Bato mosusu bamipekisaka masumu mususu mpe bamikangaka mpo na tina oyo ya bango moko (bokolongono ya nzoto, lokumu, libota, mimbongo mpe bongo na bongo...) ezali te mpo masumu na bango esepelisaka Nzambe te.

KOYAMBOLA...ekomami mbala 55 kati na Boyokani na Sika.

Yesu ye moko alobaki, *“Kasi soki bokoyambola te, bino nyonso mpe bokobebisama.”* Luka 13 :3

LITOMBA NINI EZALI NA KOYAMBOLA



**Ozali na etape oyo ?
Kondimisama ekoki komema na...**

KONDIMA OYO EBIKISAKA KATI NA NKOLO YESU

Omilengeli kozwa mokano mpo na nyoso oyo ozali mpe nyoso oyo ozali na yango, kolanda mibeko ya Nkolo Yesu Klisto.

Mbongwana ya bokambami ekoti na motema na yo, alongwe na nse na bokonzi na yo moko mpe okomi na nse ya mibeko na Yesu Klisto. Pamba te Yesu azali Nzambe, akufa na ekulusu mpe asekwa kati na bakufi mpo na yo, azali na tina koleka mosala na yo, libota, mbongo, mpe kuku koleka bomoi na yo moko. Matayi 10:37-39, Luka 9 : 57-62, 1Bakoliti 15 : 3-4

Na Luka 14 :26 Yesu alobi boye soki moto alingi kokoma moyekoli na ye, ebongi atiya Yesu liboso ya tata mpe mama na ye, mwasi mpe bana na ye, bandeko na ye ya basi mpe ya mibali, mpe nakoleka bomoi na ye moko, soki te akozala moyekoli na ye te.

Tango omitiki mpe ondimeli ye na motindo oyo, Nzambe akotia Molimo na ye kati na yo mpe okobotama kati na libota na ye. Nzambe akomi sik'oyo tata na yo ya bolingo mpe ayambi yo lokola mwana na ye ya mwasi to ya mobali. Akoki komema mbongwana na bomoi na yo.

Na bongo alingi topesa ye lokumu mingi.


“Ndimela Nkolo Yesu, mpe okobika” Misala 16 :31

Na yango, lokola tokomi sembo na nzela na kondima, tokomi na kimia elongo na Nzambe na nzela ya Nkolo na biso Yesu Klisto...” Baloma 5 :1

“Apesi kimia na nzela ya makila na ye na ekulusu mpona biso.” Bakolose 1:20

Yesu Klisto akomi Nkolo ya bomoi na yo na tango yo obongoli motema. Afandi kati na yo na nzela ya Molimo na ye mpe azali liziba mpe makoki ya bomoi na yo ya boklisto.

Kondima oyo ebikisaka



Lokola Nzambe amatisi yo na etape oyo, zwa mokano lelo kati na Klisto...

NA MALOBA NAYO MOKO SOLOLA NA NZAMBE

Yambola masumu na yo. Tanga yango na kombo na yango : lolendo, ekobo, lokuta, kozanga kolimbisa, lokoso, moyibi mpe bongo na bongo...

Lobela nzambe ete obongoli motema - mpe ozwi mokano ya kotika masumu mpe banzela oyo ememaka na masumu

Lobela nzambe ete ondimeli Yesu Klisto - oyo asekwa kati na bakufi mpe oyambi ye na motema na yo lokola Nkolo mpe mobikisi.

Akokokisa maloba na ye, akolimbisa yo mpe akoya kati na bomoi na yo, akokomisa yo moto na sika

Okoki kosala boyokani oyo na sayi na nzoto to te. Sayi na yo ya nzoto ewuti na lolenge na yo ya kozala, makambo ya bomoi na yo mpe lolenge Nzambe abelemi na yo. Osenge-li koyeba ete ozwi mokano ya kosepelisa Nkolo mpe yango nde ezali na tina.

Sayi ya nzoto ekoleka, kasi mokano ya motema na yo ekotikala kaka bongo.

Sik'oyo tonda Nzambe mpo okomi mwana na ye mpe mpo na bomoi na ye ya sika kati na yo. OKOKI KOBONDELA SIK'OYO.

Makambo minei oyo osengeli koyeba mpo na kondimisa yo ete obiki :

1 Otosi mitindo na Nzambe mpo na kobongola motema mpe kondimela Ye, mpe Ye azali Moyengebene mpo na kokokisa maloba ne ye. “Nakomeli bino makambo oyo bino baoyo bondimeli nkombo ya Mwana na Nzambe, mpo boyEba ete bozali na bomoi ya seko”. 1Yoane 5:13

2 Otie elikia na makila na Yesu oyo etangaki na ekulusu. “Na ye tosikolami na makila na ye, tozwi bolimbisi ya masumu kokokana na bomengo ya ngolu na Nzambe...” Baefeso 1:7

3 Oboyi baposa nyonso oyo ezalaki kokamba bomoi na yo, mpe omitiki na nse ya bokonzi ya Yesu Klisto, mokonzi oyo asekwa. “Boye, lokola boyambi Yesu Klisto lokola Mokonzi, bowumela kati na...” Bakolose 2:6

4 Nzambe atie Molimo Mosantu na ye kati na yo- kati na molimo na yo penza mpe apesi yo ndanga ete ozali ya ye. “Molimo ye moko azali kotatola kati na molimo na biso ete tozali bana na Nzambe...” Baloma 8:16

Bomoi ya sika kati na Yesu Klisto ememaka ebandeli ya mbongwana oyo ...

1. **Mposa ya koyeba Bibilia** Lokala bana oyo babotami sika, bozala na mposa ya miliki ya molimo, mpo ete na yango bokoka kokola na lobiko na bino..." 1Petelo 2:2

2. **Mposa ya kotosa Yesu Klisto.** "Soki bolingi ngai, bobatela mibeko na ngai". Yoana 14:15

3. **Koboya masumu.** Tokoki kosepela lisusu te kowumela kati na masumu.
"Nkolo ayebi baoyo ya ye mpe, moto nyonso oyo azali kotatola nkombo na Nkolo asengeli koboya mabe"
1Timote 2:19

4. **Mawa mpo na bato oyo babunga** – bato oyo babongoli naino motema te mpe bayebi naino Nzambe te na bomoi na bango. "Azali koyikela biso mpiko, alingi te ete moto moko abebisama, kasi alingi ete moto nyonso abongola motema". 2 Petelo 3:9

Mpona mateya/koyekola mpe bisaleli ya bana, bilili to mikanda na bankota misusu,

Benga biso na

Step Up To Life Ministries Nairobi

&

Cistern Materials Translation & Publishing Center,

P.O. Box 113, 00220 KIJABE, KENYA

Tel: (+254) 0721330253/ 0710751219

Email: info@cisternmaterialscenter.com

www.cisternmaterialscenter.com; cisternprisonministry.org

Step Up To Life Ministries

20301 Wirt Street

P.O. Box 730

Elkhorn, NE 68022 U.S.A.

(402) 933-4095

www.stepuptolife.com • suftmail@aol.com

Tala na lifesajungle.com

Mpe application na biso ya ofele

"Life's A Jungle" na iTunes

Mpe Google Play